山庫全幸

史部

次足口与十八十三 壬子大中祥符五年春正月河決棣州 真宗皇帝起去子大中祥符五年 欽定四庫全書 時著作佐郎李垂上導河形勢書三篇并圖記任中 避河流既而大水没故城丈餘 行匪易而博治可獎 八年徒城於州之北七十里以 正陳彭年等詳定中正等言侵占民田頗為煩費與 九朝編年備要卷八 九朝編年備要 陳均 撰

ノシェノト・ノ ノニ 夏四月以向敏中為平章事 二月京西饑 月親試舉人 募富民出粟振糶 敏中再掌留任以厚重鎮静人情帖然上嘉之故復 相 給官印紙起草并摹印御題賜之 賜徐真以下一百餘人及第出身有差

次足四等十个十三 宴遊張齊賢償湯尤不治惟敏中勤於政事所至著 初上之将北征也敏中時知永與軍上深念北鄙賜 僚置酒縱閱購入揮伏甲盡擒之果各懷短刀即席 為神明時舊相出鎮者多不以吏事為意冠準終日 誅 勒命布灰掃庭張樂宴飲如初上亦知其任重有 再用之意尋知河南府至郡辨僧殺人之誣衆咸以 大鮮有告禁卒欲倚難為亂者因伏甲幕中召賓 以便宜韶敏中得韶藏之不下視事如他日會郡人 九朝編年備要

賜隱士林逋粟帛 六月令樞密院修時政記 佐以其名聞詔賜栗帛長吏歲時勞問逋卒於天聖 逋恬淡好古不趨榮利家貧衣食不足晏如也結廬 故事樞密院月録附史事送中書編於時政記至是 稱上曰大臣出臨方面不當如向敏中耶 王欽若等請別撰樞密院時政記始此 州西湖之孤山二十年足不及城市轉運使陳堯

欽定四庫全書 趙安仁罷 秋 九月以王欽若陳堯叟為同平章事極密使 作五嶽觀 尋改為會靈觀 句上悼之賜諡和靖先生 儒臣領樞密兼使相始此 八月丙申朔日有食之 **兀年臨終有茂陵他日求遺豪猶喜曾無封禪書** 九朝編年備要

安仁無異議是有執守上曰能如此耶朕不知也及 矣嘗諭王旦日聞趙安仁在中書絕不親事旦對曰 敢取旨臣每見臨時變易於上前者皆迎合陛下意 每奏對安仁亦未嘗不與居常進擬皆同列議定方 時為參知政事初議立后安仁謂劉德妃家世寒微 大臣誰為長者欽若欲排安仁乃譽之曰無若趙安 不如沈才人出于相門後上與王欽若從容論當今 仁安仁昔為沈倫所知常欲報之上始有意斥安仁

次定马車主 以丁謂參知政事 價已債上遂不許 罷政事仍命同修史安仁雖貴簡儉若貧素喜遊該 賜物幾三千緣欽若因密奏且欲得宗諤所賜物以 通蹤跡詭祕時號五思初李宗諤家貧王且常資給 後進時以重德歸馬 王欽若所薦也欽若與謂及劉承珪陳彭年林特交 之欲引宗諤為参知政事欽若知之故事参政謝日 九朝編年備要

冬十月聖祖降 當斜設六位即于延恩殿設道場是日五鼓天尊降 先是上夢景德中所睹神人傳玉皇及天尊之命云 靈馬道九天司命保生天尊乃語避聖祖名上曰玄 先令汝祖某授汝天書翌日夜復夢天尊言吾坐西 軒轅黄帝後唐時七月一日復降主趙氏之族謂上 曰吾人皇中九人之一人也是趙之始祖再降乃 曰善撫育着生無忘前志尋上聖祖尊號曰聖祖上

文三四年主書 大赦 節十月二十四日為降聖節尋又上聖母號曰元天 大聖后 以王旦為之 下曰朗應天慶觀並增聖祖殿以七月一日為先天 以劉承珪為之 二月置景福殿使 月置玉清昭應宮使 九朝編年備要

作景靈宫奉聖祖 或曰公為元军出使所舉官吏懂得張紹無乃太輕 必俟從者皆集然後見之未嘗私馬議者以為得體 臣之大嫌也入內押班周懷政實與旦同行或請問 乎旦曰既稱之又請亟用則上思皆出於已矣此人 政績乞加褒諭又言徐懷式等無治聲令監司察之 州察吏治民隱聽旦以便宜從事旦還言李士衛等 越明年以王旦為兖州景靈宮朝修使詔自京至兖

立德妃劉氏為皇后 次記到車台,可一一 禁出使内臣干預公事 定三院御史員 癸丑大中祥符六年春正月詔兩浙發廩平雞價 轉運使言本路米價為買販翔踴請禁之詔勿禁而 有是命 以六員為制除差出外任及任京蒞他局者不與 后性警悟晓書史處置宫闡事多引故質無不適當 九朝編年備要

楊億罷 夏六月幸舍利塔 以屬籍為玉牒 答契丹書云鄰壞交數上自注其側作朽壞鼠壞糞 尋置宗正寺修玉牒官名皇朝新譜曰仙源積慶圖 責知委狀敢妄奏他事者代軍令至是復有是詔 官吏不即以聞並置于罪祖宗舊制凡內臣出使皆 自翰林學士罷為太常少卿分司西京先是億嘗草

素薄之陳彭年方以文進亦思億名出已右日相與 草制使丁謂諭旨億難之因請三代謂曰大年勉為 億真有氣性不通商量及議册皇后劉氏上欲得億 替之上意稍怠億嘗入直被名賜坐徐出文豪數篋 士草制億雖頻忤旨思禮猶不衰時王欽若驟貴億 此不憂不富貴曰如此富貴亦非所願也乃命他學 所改為不稱職亟求罷上慰諭之他日謂輔臣曰楊 壞等字億遽改為鄰境明日引唐故事學士草制有

火亡り車七書 九朝編年備要

代作也億皇恐不知所對億出即謀奔通億有别墅 然近職不可居外地令當罷之上終愛其才踰月弗 明年秋以疾愈求入朝上謂旦曰億性峭直無所附 如此自便旦曰億得罪賴陛下於容不然顛躓必矣 朝論喧然以為不可上亦謂王旦等曰侍從臣安得 在陽程會母疾億留謁告榜子與孔目吏中夕亡去 下泊億稱疾請解官乃有是命 以示億日知識朕書跡乎皆朕自起草未嘗命臣下 次記四事人子 甚盛栗一本至四十穗麻一本至九百角上覽其章 恐有之弘識之事保其必無也命知汝州時御史猶 指前事為言上的中書名諭之至汝州言部內秋稼 也旦日比蓋與億不足故為誣謗耳億諧謔過當則 自億始也 謂輔臣曰億之一詞筆冠映當世後學皆熟之王旦曰 如劉筠宋綬晏殊輩相繼屬文有員元元和風格者 會文章學問無及之者然或言其好竊議朝政何如 九朝編年備要

除農器税 秋七月瀘戎蠻冠邊 置水虎翼軍 古之道也豈獨河北哉乃語諸路並除之 江淮習水卒於金明池按試戰棹而立是名 初太祖立神衛水軍江淮平不復振舉至是選在京 初知濱州呂夷簡請免税河北農器上曰務穩勘

甲寅大中祥符七年春正月上如亳州謁太清宮 十二月戊午朔日有食之 冬十月元德皇后祔廟 后之次 名曰元德皇后升祔詔從之恭以神主祔于明德皇 決後禮官參議以元德皇太后實生理嗣宜改上徽 至道末有司議以淑德懿德皇后並配饗太宗久未 以趙安仁陳彭年同知院事

次正の車上三一九朝編年備要


籍以為陛下事事效唐明皇因言明皇禍敗之跡上 去秋的以今春謁太清宮龍圖待制孫與上言陛下 臣復何言上說除許州助教後卒鄉人見其動與廢 自亳名問治道不對徐曰陛下東封西祀皆已畢矣 雅丘隱士形惇以學術稱隱居不仕王曾薦之上還 作解疑論以示羣臣 封泰山祀汾陰躬謁陵寢今又将祠太清宫外議籍 以泰山汾陰非始於明皇且以開元禮今世所用乃

|三月皇子受益封慶國公 次足四軍ノニョー 恭謝東郊 大赦 令益州鑄當十鐵錢 作鴻慶宮 升應天府為南京 月上至自亳州 紙束置屋深間 九朝編年備要

折惟昌卒 五月刻天書 舊制國公食邑三千戸今止千戸有司之誤也皇子 楊婉儀保視之故仁宗當呼后為大孃孃婉儀為心 即後官李氏所生于是五年矣劉皇后以為已子使 使 以王旦為刻玉使王欽若等為同刻玉使副使同副

六月王欽若罷 つくこうっていてす 授嘉勒斯資官 渭州蕃族首領也 忠代知府州惟忠世將知兵領州事凡二十年卒於 明道二年以其子繼宣代之 風沙而行疾遂亟上遣使挾醫彫視弗及以其弟惟 疾曰古人受命忘家死於官事吾無憾也即引衆冒 先是河東民運粮赴蘇州當出兵為援惟昌時門 九朝編年備要

以冠準為樞密使同平章事 後上言及之且唯唯知節具斥其奸状欽若每奏事 隨上當賜近臣詩誤用旁韻王且欲白上欽若曰天 必懷數奏但出一二匿其餘退則以已意稱上旨行 子詩豈當以禮部格校之旦遂止欽若退處密以聞 欽若傾巧矯誕樞密副使馬知節薄其為人未嘗說 之知節當于上前顧欽若曰懷中奏何不盡出至是 又争賞王懷信平蠻事上怒皆罷之



冬十月玉清昭應宮成

宫宇撼二十六百一十區初料功須十五年修官使

丁謂令以夜繼畫繪一壁給二燭遂七年而成軍校 九明編年備要

欠こりにこう

隆法 金いていたとう 一月淮浙飢)卯大中祥符八年春正月朔上玉皇聖號 遣使巡撫 承天節及南郊 工匠第賞者九百餘人 一月作元符觀

アミコー こす 夏四月召宰相觀書 舉以上雖不合格並許奏名 是歲禮部初置騰録院仍詔禮部進士六舉諸科九 裁成上悦命赐五品服 因推言君道至尊臣道至軍必以誠相感乃能輔相 從七人傳呼聽引兩節始此 賜蔡齊以下百八人及第出身有差狀元給金吾騶 上之親試進士也召崇文館檢討馮元講易泰封不 九朝編年備要

金ケセと 冠準罷 觀書於玉宸殿閱御製皇王帝霸五臣等論尋以御 準好人懷惠又欲人畏威皆大臣所當避而準以為 事朕意其必能改前非今觀所為似更甚馬旦等曰 製良臣正臣忠臣好臣權臣五論賜宰相 與念争特方有龍上不悦謂王旦等曰準年高屬更 已任此其所短也非至仁之主孰能全之始旦之薦 為武勝軍節度同平章事先是準惡林特之姦邪數

大いりまたいる 準為樞密使中書事有關送樞密院礙站格者準奏 間曰準性剛編更思其次旦曰他人臣所不知也及 曰張詠何如不對又問曰馬亮何如不對上曰試以 數短之上以詰旦旦曰理固當然臣久在相位缺失 格旦但令送準準大慚且每見上必稱準之才而準 之上以詰旦旦頓首謝既而樞密有送中書亦礙路 柳意言之旦强起曰以臣之愚無若冠準上無然有 九朝編年備要

準也當力疾入見上問以誰可代卿者再三不對上

五月榮王元儼宫火 耶且吾不受私請準深恨之及制出準入見涕泣曰 當罷使人私於且求為使相旦大驚曰使相豈可求 始愧歎出語人曰王同年大度如此耶 語倉 庾出納自今勿以羨餘為吏課 嚴倉庾羨餘禁 非陛下知臣 何以至是上具道旦所以薦準者準 必多準對陛下無所隱此臣所以重準也及準自知

却羨餘貢 **求直言** 等詔令貯積本路士衡前後獻羨餘助郊祀東封非 詔天下今乃過為殺戮且火雖有迹安知非天譴也 有司就遺火事當死者甚眾王旦曰陛下始以罪已 上欣然納之減死幾百人 河北轉運使李士衡言有羨餘錢四十萬緡及紬布 延燒內藏在藏庫朝元殿乾元門崇文院祕閣 九朝編年備要

次記日車主

出宫人 閏月大赦 六月已酉朔日有食之 中禁金飾服用 **韶大辟情可憫者以聞** 詔自中宫宗室皇親及外庭臣庶之家衣服器用並 不得以銷金戧金金線之類為飾

令諸庫勿進都數 報如違主典處死監官決配得制庫務都三司使亦 如中使宣取錢物但畫時供應不得以見管都數供

詺定茶法 從之仍令副使以下不得預聞

不得知丁謂充使日自陳支度經費宜知常數上勉

自景德改茶法之後上封者多言不便丁謂曰未改

法前歲虧茶本錢九千餘費改法之後所收利不下

欠にり車とこう

九朝編年備要

秋七月郭崇仁選解州團練 恩澤自是十年不遷 崇仁守文子章務皇后弟也時崇仁居母喪的起復 先是三司言民有販茶違法者欲令同居告計上曰 仍自昭州團練有是命崇仁雖外戚朝廷未當過推 以利而壞風俗非國體也不許 以謹令崇信為言 二百餘萬貫乃命馮拯王曾同三司詳定拯等尋皆 27.10 min 2.1.20 1 八月張詠卒 有德鎮服天下無如王公面折连争素有風米無如 節重然諾勇于為義上當稱詠才任將帥以疾不盡 時以樞密直學士卒於陳州詠少倜儻有大志尚氣 臣頭置丁氏之門以謝謂上亦不以為件詠當語人 其用詠臨終奏疏言不當造官觀竭天下之財傷生 曰吾榜中得人最多謹重有雅望無如李文晴深沈 民之命乞先斬丁謂頭置國宮門以謝天下然後斬 九朝編年備要

冬十二月皇子冠 尋置壽春郡王友以張士遜崔遵度為之士遜平雅 窓公當方面寄則詠不敢解 封壽春郡王進封昇王 和謹澹於勢利遵度修起居注踰十年立殿墀上常 人為翊善記室上曰翊善記室府屬也王皆受拜故 退匿楹間慮上見之搢紳推其長者初大臣欲以二 以王友命之令王每見答拜示實禮之意

是歲注輦國來貢 ついりあたいう 一 遣使入貢其所上來詞致如中國云 其國主曰十年來海無風濤中國其有聖人乎於是 南至羅蘭二十五百里至頓田三十里舟涉一千五 百日乃達廣州約其道路盖四十一萬一千四百里 使者言其國東距海五十里西至天竺一千五百里 于是耶士遜愧謝 士遜當對王旦稱王學書有法旦曰公為王友職止 九別編年前要

全クロアノニー 二月置資善堂 **丙辰大中祥符九年春正月以張旻為宣徽南院使無** 樞密副使 是時任馬軍副指揮使被肯選兵下令太峻兵懼謀 為變上密召二府議之王旦曰若罪旻則帥臣何以 **柳衆急捕謀者則震舊都邑陛下當欲任旻樞密臣** 王旦善處大事真宰相也 未敢奉紹今若擢用使解兵柄反側者自安上喜曰

欠しりうこんいう 夏六月謁會靈觀 授李遵節度使 石近臣觀書 三月召宗室觀書 詔以皇子就學之所名資善堂上作記刻石堂中 于玉宸殿翌日復名宴射 于夠驚閣 名立遵西番宗噶爾族首領也 九朝編年简要

アングロール メニモ 秋七月蝗 總十一二飛蝗之過京城也上方御膳見蝗勢障日 蝗若此豈不為天下笑耶時遣中使督諸州捕蝗又 分路按視蝗傷悉除其租上減膳蔬食不舉樂蝗傷 旦曰蝗出為災災母幸也又何賀馬固稱弗可于是 已而執政有袖死蝗以進者請示於朝率百官賀王 上請景靈官開實寺祈禱先是上出死蝗以示大臣 二府方奏事飛蝗蔽天上顧謂旦曰使百官方賀而

とこう ランニュー 九月秦州屬羌冠邊曹瑋敗之 月陳尭叟罷 **赞普名目璋請勿許朝廷猶以為保順節度璋曰我** 意甚不懌乃命徹膳聖體自是不康 州即領軍擊敗之二族在秦西南頗强悍先是當求 嘉勒斯資宗問爾立遵等三萬人入冠至三都瑋時知秦 為右僕射竟叟强力明辨多任智數人典樞密軍馬 之籍悉能周記 九胡编年前要

金厂工屋车 先是翰林學士李迪召對龍圖閣草部書上徐謂迪 備非怯也且瑋有謀諸将皆非其比陛下重發兵豈 都之捷其後又破滅諸羌二族以窮孤逃入磧中瑋 斥境雕上置十塞自是秦人乃安 祖遵矣先為之備乃誘致其蕃部以弱之于是有三 非將上王皇聖號惡兵出宜秋門耶今關右兵多可 可代瑋者對曰瑋知嘉勒斯資欲窺關中故請益兵為 曰曹瑋在秦州屢請益兵未及遣遽解州事邊將誰

資果犯邊秦州方出兵復名問日章戰克乎對曰必 大舉入冠使謀者聲言以其日下秦州會食以激怒 克及捷書至上謂迪曰卿何料之審也連曰嘉勒斯資 陝西以方寸小册書兵粮數備調發今猶置佩囊中 璋瑋勒兵不動坐待其至是則以免待勞臣用此知 餘悉赴塞下上顧日真所謂頗收在集中未幾嘉勒斯 上令自探取目內侍取紙筆具疏某處當留兵若干 會其羨益發赴瑋上因問關右兵幾何對曰臣向在

次定四車全事

九朝編年備要

辛

禁貢瑞物 冬十一月石普抵罪 請罷天下熊設歲可省緡錢七十餘萬以贈國用遂 邊事動朝廷又言日食不驗除名配質州普倜儻有 件上意于是上益怪普言瑜分而王欽若謂普欲以 普時知許州上言日當食又言嘉勒斯資陰報曹璋請 其決勝也 以臣所獻陣圖付瑋可使必勝也初上方崇符瑞普

以李及知秦州 膽略兩平蜀盗大小數十百戰人服其勇 軍白畫學婦人銀級於市及方觀書立命斬之觀書 者旦薦及衆謂及雖重厚非守邊才及至秦州有禁 為異政乎旦之用及者其意非在此也以及之重厚 如故聲譽達京師楊億以告旦旦曰是固當斬馬足 璋自知秦州遷為秦州都部署上問王旦誰可代達

次定四車全書 一

必能守璋規模而已及性清介所治簡嚴喜慰薦下

九朝編年備要

チュ

丁已天禧元年春正月朔上王皇聖祖寶册 恭謝南郊 召近臣觀書 尋出聖祖金寶牌給京城寺觀天下名山 數年未當市吳物比去惟市白樂天集 衆謂當置酒召客乃獨造林逋清談至暮而歸居官 吏而樂道人善後知杭州不事熊遊一旦冒雪出郊 於龍圖閣

次至四事公馬 憾或挺刀殺人或縱火焚舍尋亦除罪又配為卒伍 先是上嘗謂宰相曰為國之要在乎賞當其功罰當 **皆給衣粮是何異賞人為盜者耶** 其罪不任情於其間則賞罰必當懲勘必行萬方必 不戒乎 两浙提刑范應辰上言姦凶之輩密料赦期發其宿 理和氣必生自然天地降祥四方無事以此思之可 九朝編年備要

名馮元侍講 李公藴封南平王 一月增諫官御史員 皆用新路也 講易於宣和門北閣待制查道李虚已李行簡預馬 或有急務聽非時入對三年則絀其不勝任者尋以 劉懂為右正言劉平為監察御史魯宗道為右正言 詔别置諫官御史各六員不無他職月須一員奏事

夕日ヨーム計 夏五月以仍歲旱蝗遣使分路安撫 陳彭年薨臨其喪 無怨明必盡稱道其長人推其長者 或疑齊賢過甚後乃服其知人 名之學素姦蹈號九尾狐張齊賢在相位彭年當求 涕泗良久時為參知政事彭年敏給强記好儀制刑 自是聽政之暇率以為常因數訪大臣能否而行簡 為理寺詳斷官一見報不可曰此人在朝心亂國政 九朝編年備要

者十不一二宜妙選英哲委以親民之任上日謹擇 尤不便民而傷於厚斂者可也 時諸路百三十州皆言蝗蝻食苗遣內臣督州縣分 牧军實朝廷之急務也 右正言魯宗道上言今天下親民之官孜孜于民政 思茶鹽條禁頗為峻刻或行之已久難於遠改削其 未降朕夙夜驚懼未當暫忘豈非政令有爽天意因 捕先是上謂宰相曰去歲旱蝗秋稼不稔今春時雨

秋七月王旦罷 為太尉無侍中昭應宮使旦以疾求解故也聽五日 由於此因求補外職不許 言皇子盛徳必能任陛下事遂薦可為大臣者十 欲以大事託卿而卿疾如此奈何因命皇子出拜旦 皆避命致訴比遣外任多是累貶之人風俗不澄實 先是龍圖閣待制張知白上言亦謂朝廷每除收伯 赴起居且後懇請去不己上日朕覺體中不住方

文にのまたかです 一人

九朝編年備要

孟

散監牧馬 八月以王欽若同平章事 若令出賣散於民間緩急取之猶外底耳從之 時仍歲旱蝗向敏中言國家監牧馬數萬廣費獨粟 利至矣故士遜所至未當敢求利 薛奎常為江淮發運鮮旦旦云東南民力竭矣奎退 餘人其後不踐兩府者獨凌策季及 日真宰相之言張士遜為江西轉運旦謂曰朝廷權

文記四年上書 一 九月李迪參知政事 上當憂旱蝗歲用不給迪曰祖宗置內藏正欲復西 先是上欲用欽若王旦言祖宗朝未當使南方人當 封時教所過無伐木除道即驛舍或州治為行宫才 北故土及支山荒上日當出金帛數百萬借三司迪 語人日為王子明故使我作相晚却十年 國雖古稱立賢無方然必賢士乃可上遂止欽若當 曰天子於財無內外何必曰借上悦迪又言陛下東 九朝編年備要

をこうしたとう 王旦薨臨其喪 朕為此者 早蝗之災殆天意以做陛下也上曰鄉之言然有誤 有詔不受朝賀遂不下輟朝之命議者謂其日當龍 視朝王旦以是日葬望準禮例中書言其日皇帝已 贈太師中書令諡文正 令加塗壁而已及幸分毫土木之役過往時百倍今 旦尋以冬至日葬先是太常禮院言宰相出殯當輟

次正四車全書 正自終或比之馮道云 為也論者謂且得君言聽諫從安於勢位而不能以 行常悒悒不樂既寝疾遺令削髮被緇盖悔其前之 求官咸平初旦聞季流之言固未深信及親王欽若 旦性沖澹寡欲奉身至薄所居陋甚將死不為宗戚 日李文晴真聖人祥符以來每有大禮朝奉天書以 百官拜表之禮時王欽若與且不協故抑之 丁謂等所為諫則業已同之欲去則上遇之厚乃嘆 九朝編年備要


中書嘗請以知制語盛度權知開封府上曰可更問 王旦旦時屬疾在告中回度必不樂此任既而度果 謝旦日上之委遇非曾等所及知也 奏事其間亦有不經上覽公但批旨行下恐人言之 不願處繁劇上曰王旦銓量才品極當豈可不問也 上曰朕當諭旦小事一面專行卿等當謹奉之曾退 以為不可旦但遜謝而已一日曾等以前說聞于上 旦居相位王曾等當乘間謂旦曰曾等在政府每見 可遣衆來取上喜從之德明受品再拜曰朝廷有人 責之旦曰臣欲能德明云已敕三司在京積栗百萬 趙德明當以民飢上表乞粮數百萬羣臣皆請降認 究治上令就取則已悉焚之矣 案之旦曰此人常情且語不及朝廷不足究治因自 有日者上言宫禁事被誅并得朝士占問簡尺上欲 下事遂寝既而大臣復欲因是擠其所不快者力請 取得所占書進曰臣賤時不免為此必以為罪願并

久らしりにこという

九阴编年前要

インノセア たかに 復言之旦日若如所請後将有求為樞密使者矣此 官者劉承規病求節度使上諭旦旦日陛下所守者 邊肅當坐贓貶向敏中謂旦曰邊同久責已久產復 必不可上乃止承規卒猶追贈馬承規即承珪也 契丹得之大慚 契丹請嚴給外別假銀幣上以問旦旦回東封甚近 祖宗故典典故所無不可聽也當問諸有司翌日上 欲以此要朝廷耳乃請于此給三十萬內各借三萬

欽定四庫全書 十二月韶治河勿調丁夫 冬十月韶災沙不以聞者論罪 澹不樂仕進上特召對而命之初名行簡使者不知 録得内出奏章乃知朝廷士多旦所薦 之旦日必欲用須旦死可也至是始以赦叙復 所止上令問旦旦匿名迹遠權勢後史官修真宗室 上當召李行簡命為太子中允致仕祭政穆子也沖 可乎旦曰為近臣坐贓豈得更陞進耶敏中語數及 九朝編年備要



|欽定四庫全書 | 秋七月大赦 六月彗出北斗 夏四月作祥源觀 布上言不宜以神怪眩愚俗劉尷亦言前世傅聖水 |月修京城 者皆說妄並不報 月京西饑 有言拱聖營真武祠側湧泉寥疾者記建祥源觀任 九朝編年備要

以李士衡為三司使 八月立昇王受益為皇太子 賜名禎尋賜以元良箴 大用 **衡父誅死而振為贈告乃曰世有顯人士衡以故不** 論時文之弊欽若因言路根文人也然不識體李士 上作寬財利論賜之士衡方進用王欽若害之會上 以天文示變故也

冬十月詔定茶法 大赦 設齊熊張熊費廣真請裁省浮用不報遂復出其居 陽事遂止真初自密州還時方置天慶等節天下節 朝廷盖不周歲云 之道即的真與三司裁定務從寬簡未幾真出知河 因左諫議大夫孫與之請也與言茶法屢改非示信 謁太廟日有左右珥黄雲捧日

火モロラナーショー

九朝編年備要

親試舉人 三月戊午朔日有食之 天禧三年春二月河南府地震 十一月召近臣觀書 金りに 賜王整以下一百四十人及第出身有差 于太清樓 念誦為工乃申明前詔進士無取論策諸科能明經 元年魯宗道言進士詩賦不近治道諸科對義但以 んんいか 卷八

文とりことす 一 以夏守恩劉美為四廂都指揮使 天書降乾祐山夏四月迎入内 能以謝天下上亦不之責 姦檢小人天下皆知能所為獨陛下一人不知耳乞斬 而外附准至是准奏天書降乾祐山中盖能使為也 者别與考較 冠準鎮水與朱能為都巡檢使能好造符命託神靈 一迎奉馬摩臣無敢言者孫與時知河陽上言朱能 九朝編年前要

金にくしたとろうを 守恩為捧日天武四廂美為神衛龍衛四廂時上不 之上四軍各有左右廂每廂各有都指揮使廂各三 驍騎各上下軍軍十指揮又有寧朔驍勝各十指揮 無節都指揮使止有都虞候殿前司又有神勇宣武 之捧日天武龍衛神衛又有第四軍處所退年萬者 軍每軍五指揮一軍又各有指揮使一員都虞候副 國朝殿前司捧日天武馬軍司龍衛步軍司神衛調 豫中宫預政故守恩進用也

忠佐馬步軍都軍頭副都軍頭隸軍頭司甚者出為 本任或為他州部署鈴轄其老疾若過失者為御前 都指揮使又選則遇領刺史又選為廂都指揮使遇 虞候副之每遇大禮後各以次補遷凡軍校遷至軍 左右各五軍軍十指揮每軍各有都指揮使一員都 虎翼左右各五軍軍十指揮並有都指揮使都震候 領團練使員溢即從上落軍職為正團練使刺史之 馬軍司則有雲騎武騎各十指揮步軍司則有虎翼

次世四事主言

九朝編年備要

Ŧ

六月王欽若罷 復命臺諫無他職 をりくし、人 べる 來故罷 專任言也諫官御史于是復無他職 無鹽鐵度支判官或言煙等無他職執政盖不欲其 右正言劉燈判三司戶部勾院監察御史劉平章顏 欽若恩遇衰人有言其受金又與道士蓄禁書者往 外州馬步軍都指揮使

河決滑州 灌澶濮耶濟至徐州入淮

以李允則知鎮州 允則奏言初通好時不即修治他日復安敢動乎允 則又縱競渡以寓水戰列畦壟植榆柳地益險阻當 允則在雄州十四年治城壘不輟契丹以為疑詔詩之

文記日華小三 時邊臣鮮能及常熊軍中而甲仗庫火允則作樂行 酒不輟副使請救不答少項火熄命悉瘞所焚物密 九朝編年備要

干四

ナデアレル と言い 以冠準同平章事 遣吏持檄瀛州以名籠運器甲不次旬其數已完人 無知者樞密院請劾不救火狀上曰允則必有謂姑 通者九則不治與傷者錢二千眾以為怯逾月幽州 為舍熊救焚事或不測一日民有訴為北人殿傷而 詰之對日兵械所藏傲火甚嚴方燕而燔必姦人所 以為妄乃殺謀 以其事來詰答以無有盖他諜以殿人為驗比得報

次定四重主 秋八月大赦 長拂鬚邪謂甚愧之由是傾誣自此前矣 食羹污準鬚謂起拂之準笑曰參政國大臣乃為官 起既至遂拜平章事時丁謂為參政事準甚謹當會 疾堅求外補此為上策倘入見即發乾祐天書之許 準之始召也將行其門有勘準者曰公若至河陽稱 以天書再降乾祐縣也 斯為次也最下則再入中書為宰相爾準不懌揖而 九朝編年備要

馬知節卒 殺知節部分嚴明未嘗輒戮一人 爾東封以後上每出幸必以知節為都部署許以車 色猶怒甚曰知節幾欲以笏擊死之但恐驚動君相 監彭州兵馬以嚴飭見憚如老將性剛直敢言無避 不肯少有早屈嘗與王欽若争論上前退見王旦詞 時以彰德軍留後卒于湘州知節慷慨以方畧自任 又能好書實友儒者所與交善必一時豪杰年十八

辛未郊 次已四事二言 一 十二月富州蠻納土詔却之 冬十一月除犯酒麵銅輸等死刑 京東河北水 八會道釋大安殿 遣使安撫 錢 凡萬三千餘人先是建道場上親臨視賜以藥銀大 九朝編年備要 卖

イエノモ 上ノニ 滑州決河塞 後簽署樞密院 **庚申天禧四年春正月以曹瑋為宣徽北院使鎮國留** 一月江淮浙利路飢 月益梓路飢 是役凡用兵夫九萬人上親製碑紀之 簽署無藩鎮始此 遣使安撫

交正日子にす 向敏中薨臨其喪 楊億復翰林學士 夏四月大風畫晦 分江南轉運為東西路 謁諸子不令釐務雖當大事若已不與馬謹於采納 不妄推薦當時以重德目之 敏中端厚多智善處繁別識大體密静遠權門無私 遣使安撫 九朝編年備要

一金に人口にんとう 冠準罷 初億自汝州還久之不遷或問王旦曰楊大年何不 夷後贈禮部尚書諡曰文 品人物善惡太明人多怨之億文章為時宗名聞外 億卒于是冬億性耿介坦夷重交遊崇尚名節然評 六年乃復入禁署 上保庇之今此職欲出自清東以全君臣之契耳瑜 且與舊職旦日大年頃以輕去上左右人言可畏賴

家大體耶於是丁謂與利用共排準又翰林學士錢 準素輕利用議事有不合者輒曰君一夫爾豈解國 為太子太傅萊國公先是準為極密使曹利用副之 言皇太子人望所屬願傳以神器丁謂小人也不可 其罪準請必行重失后意謂等因媒藥之準當請問 惟演亦附謂時上不豫政事多中宫所決謂等交通 說祕其當日固劉氏宗人横于蜀上以皇后故欲赦 以輔少主上然之既而準被酒漏言謂等懼力請罷

次でうるな事

九朝編年備要

六月河復決滑州 をけてんと言 馮拯樞密使同平章事 親試舉人 秋七月以李迪為平章事 準上不記與準初有成言可其奏 御崇政殿親試禮部奏名舉人命官覆試如常例授 佐文學自奉職至殿侍悉免遠使與家便差遣 班奉職者九十二人借職者十三人餘補諸州上

|次三四車全事 内侍周懷政伏誅冠準貶 丁謂平章事曹利用加同平章事 皆用錢惟演之言也 錢惟演言拯純和與冠準不同故也上欲加拯吏部 尚書參知政事將草制誤召楊億故事參知政事会 遷曹利用丁謂遷中書 拯于是樞密院領使凡三人上徐 覺其誤惟演逐勘 人草制樞密使同平章事學士草制因以樞密使命

廃皇后名楊崇勲等諭之崇勲詣謂第告變曹利用 逆伏誅有欲并責太子者上意惑之李迪從容奏曰 懷政謀殺謂等復相準奉上為太上皇傳位太子而 陛下有幾子乃為此計上大悟 子監國出告準及準以謀泄罷相謂等因疎斥懷政 懼會周懷政伏誅準乃遠貶初懷政當與上謀以太 授太常卿準既罷上所以待準者猶如故丁謂等益 入奏令衛士執懷政訊鞫具引伏斬之懷政既以謀

準以被酒漏所謀獲貶謂召億至中書億懼甚不知 者聖旨無遠字二人忿聞盖始此朝士與準親厚者 準之貶也上初命與小州謂朝云與遠小州迪言向 謂等并發天書事認捕朱能能殺使者叛逸眾潰窮 億夜屏左右為之群至自起剪燭中外無知者既而 謂必斥之楊億尤善準始謀以太子監國屬億草制 所為謂素重億徐曰謂當改官煩公為一好詞爾億 乃稍安

次定四事全事 一

九朝編年備要

冬十月初隻日視事 九月大赦 慶自殺準坐能叛再贬道州司馬準至道州晨具朝 中書門下言機務清簡請依唐制隻日視事雙日不 中久不見冠準何即左右莫敢對上的乃貶雷州 之貴者三絀皆非上本意歲餘上忽問左右曰吾目 服如常時起樓讀書每賣至言笑自若若初無廊廟

編聖政録 調李迪罷謂復相 謂既擅權至除吏不以聞迪語同列曰迪起布衣十 命錢惟演等取時政記中盛美之事別編之 以職御製 一月建天章閣

次包里全書

九朝編年備要

安計乎謂欲以林特為樞密副使迪争之因話謂引

餘年位宰相有以報國死且不恨安能附權臣為自

憲司置對又言冠準無罪罷斥朱能事不當顯戮又 對乞留因賜坐左右欲設墩謂顧曰有旨復平章事 言錢惟演謂之姻家願與惟演俱罷政柄曹利用馮 乃更以杌子進於是復視事仍詔迪即時赴鄆州謂 手板欲擊謂謂走得免及入對斥言謂姦邪願同下 拯亦相明黨時上怒甚欲付御史臺利用拯曰大臣 下獄不惟深駭物聽況丁謂本無分競之意乃各降 一級罷相謂知河南府迪知鄭州制書未出謂入

兩府會議資善堂 豫中宫意也 始傳部召劉筠草復相制筠不奉部乃更名晏殊筠 記合取肯事如故自餘常事委太子與兩府會議施 后適在屏間聞其言由是惡迪迪所以不留亦上不 上久不豫語或錯亂嘗盛怒語輔臣曰昨夜皇后以 既自院出遇殊殊側面不敢揖盖內有所愧也先是 下皆之劉氏獨留朕宫中迪進曰果如是何不治之

次ピの東からす 一

九朝編年備要

焸

御承明殿 發京師常平倉 メシアレデ たる 耶力争不已迪既罷出故有是記 即日上體平朝廷何以處此迪曰太子監國非古制 行記奏初議欲令太子總軍國事丁謂以為不可曰 以穀貴減其直 月嚴內侍傳旨覆奏法 一不豫力疾御殿賜宰相手書諭以輔導儲貳之意

欽定四庫全書-親試舉人 宴近臣承明殿 遣使撫京東水災 寬罪繫 二月審刑院奏刑措 辛酉天禧五年春正月上疾愈 放聖院 韶天下犯死刑者通減流以下釋之 九朝編年備要 甲二

賜天下酺 冬十一月以丁謂為譯經使兼潤文 五月慮囚 夏四月客星出軒轅 秋七月甲戌朔日有食之 月賜京東西民租 以水災賜租十之五 犯死刑者逓減有差

十二月置同勾當三館祕閣以內侍皇南繼明為之 上崩於延慶殿 **壬戌乾興元年春二月大赦** 真宗 咸平中命内臣劉崇超監館閣圖籍至是丁謂改曰 年五十五在位二十六年諡曰文明章聖元孝廟號 移南郊恩賞先此頒行 勾當公事內臣遂與大學士同職矣

次定四車全書 |

九朝編年備要

皇太子即皇帝位尊皇后為皇太后 權尚足示後且言猶在耳何可改也謂乃止曾又言 尊禮太妃處須他日議之不必載遺制謂拂然曰參 丁謂欲去權字王曾曰政出房隨斯已國家否運稱 楊淑妃為皇太妃軍國事權取太后處分遵遺制也 漢故事請五日一御承明殿太后坐左皇帝坐右垂 改顧欲擅改制書耶曾復與辨而同列無助曾者亦 止時中外沟沟曾正色獨立朝廷賴以為重曾援東

一欽定四庫全書 九朝編年備要 畫可曾曰兩宮異處而柄歸宦者禍端兆矣謂不聽 無侍中任中正王曾錢惟演並加尚書張士遜加侍 行其意 盖謂不欲令同列預聞機密故潜結允恭白太后卒 百官進秩丁謂加司徒馮拯司空曹利用左僕射並 太后與上召對輔臣決之非大事悉令雷允恭傳奏 羅 聽政既得旨而謂獨欲皇帝朔望見羣臣大事則

冠準李迪曹璋窟點 衆皆丁謂之謀也王曾疑責太重謂熟視曾曰居停 郎曾謂謂曰中書令至諫議大夫平章事其任一也 主人恐亦未免耳盖曾當以第舍假準也曾敢然遂 準雷州司戶迪衛州團練副使璋知萊州連坐者甚 無公議乎謂不聽 樞密珥貂可乎今以數十年曠位之官一日除授得 不復争謂惡準迪必欲置之死地遣中使賣動往以

離左右迪由是獲全或語謂曰迪若貶死公如士論 聞其異於他日即自裁不殊或饋之食中使輒不與 不知所為準神色自若使人謂之曰朝廷若賜準死 錦囊貯劍揭馬前既至道州準方與郡官宴飲中使 迪客都餘怒曰汝殺我公我必殺汝從迪至衛州不 衫著之拜於庭升階復宴飲至暮乃罷使至野州迪 願見動書中使不得已乃授勃準從録事參軍借緑 入傳舍久之不出問所以來之故不答上下皆皇恐

次定口車全書 九朝編年備要

平六

作受命寶 三月定視朝及講讀日 宜召近臣入侍講讀 日如先帝故事前後殿皆不坐記雙日雖不視事亦 中書請自禪祭後隻日於崇政殿或承明殿視事學 曰皇帝恭膺天命之實命王曾書之 何謂曰異日好事書生弄筆墨不過曰天下惜之而

六月内侍雷允恭伏誅丁謂罷 夏四月限伎術官 初王曾以計給同列請獨對直言謂包藏禍心令允 法宜子孫允恭擅移皇堂事覺伏誅 寺丞天禧四年乃遷至中允對善洗馬同正請勿踰 中書言舊制翰林醫官圖畫琴棋待詔轉官止光禄 此制雖特恩即至國子博士而止 用王曾之請也初司天監那中和言山陵上百步

| 次でリワラーハンヨ | 九朝編年備要

アミンに見たって 謂尋貶崖州司戶坐嘗教女道士劉德妙託道君言 禍福也諸子並勒停三弟悉降點記臣寮有曾與謂 當直舍人草詞仍榜朝堂布諭天下謂所坐但私庇 恭移皇堂于絕地太后大驚欲併誅謂馮拯為之請 以為過也林特等八九人皆坐謂黨落職補外 多陰謀得政歲久要不可測雖曾計傾之而公論不 允恭不忍破其妄作未必真有禍心也然天資險校 乃止行降點故事宰相罷相皆降制時函欲行止名

文已四事人二司 九朝編年備要 準遣人以一然羊逆之境上謂欲見準準拒絕之聞 欲得天下好莫如各冠老不半歲謂亦貶道出雷州 謂初逐準京師為之語曰欲得天下寧當拔眼中丁 甚明不道之辜常刑罔赦朝論快馬 漢法不道皆證事也緩雖從謂指然卒改易謂本語 始謂命宋終草冠準責詞殺請其故謂曰春秋無將 往來者一切不問 不純用及謂貶緩猶當制即草詞曰無將之戒舊典 型へ

秋七月以王曾為平章事 呂夷簡魯宗道參知政事 家僮欲報仇即杜門使縱博度謂行遠乃罷 宗道真宗時為正言多風聞彈奏上稍厭之一日自 稍忤則蹴縮不能自容以是知其偉度矣 直氣和了無所帽我自任政事幾二十年每遇上意 且曰王君昨讓會靈觀使頗拂上旨而進對詳雅詞 王旦嘗語其家人曰王君介然他日德望熟業甚大

次記り華人子 錢惟演樞密使 宗道剛正疾惡少容遇事敢言不為小謹嘗就飲酒 於是并夷簡皆首家拔擢 大罪真宗以為忠實可大用當以語太后太后識之 肆使者至令以定告曰飲酒人之常情欺君臣子之 密及知吏姦状多種革之 忠御筆題殿壁曰魯直後權判流內銓惠鈴格煩 訟于上前曰臣在諫列而諫奈何以數厭之上悦其 九朝編年備要 四十九

八月太后同御殿垂蓋 密使必加檢校官惟演但以兵部尚書充使有司失 侍宣諭曰候上春秋長即當還政 之也未幾馮拯言惟演以妹妻劉美實太后姻家不 惟演舊位王曾上曾既入相惟演亦加極使故事樞 **馮拯為首相欲躡丁謂故迹曾曉以禍福且逆折之** 用王曾議也同御承明殿百官來賀太后哀働令內 可與政遂罷之

からいり回しいか 冬十月葬真宗於永定陵 字故易曰永定陵然永定乃縣名也宣祖陵止名安 极不敢肆自是事一決于兩宫 始丁謂請名陵曰鎮陵及謂貶馮拯謂三陵皆有永 祔廟以莊穆皇后配 稱予而便殿處分稱吾太后詔止稱吾尋以太后生 初謂定太后稱予謂敗中書與禮儀院參議每下制 日為表寧節 九朝編年備要 予

ないけんですんといる 時上雖用以日易月之制改服臨朝宫中實行三年 陵議者機拯不學當時無正之者 尋以李流王旦李繼隆配餐朝庭 陵又不知翼祖已名定陵於是復追改翼祖陵為靖 自三司使出知相州士衡屢以足疾求罷太后諭之 之喪 天書皆從葬用王曾呂夷簡之議也 一月李士衡罷